

敵以東方來迎之東壇壇高八尺堂密八年八十者八人主祭青旗青神長八尺者八弩八八發而止將服必青其牲以雞敵以南方來迎之南壇壇高七尺堂密七年七十者七人主祭赤旗赤神長七尺者七弩七七發而止將服必赤其牲以狗敵以西方來迎之西壇壇高九尺堂密九年九十者九人主祭白旗素神長九尺者九弩九九發而止將服必白其牲以羊敵以北方來迎之北壇壇高六尺堂密六年六十者六人主祭黑旗黑神長六尺者六弩六六發而止將服必黑其牲以彘從外宰諸名大祠靈巫或禱焉給禱牲凡望氣有大將氣有小將氣有往氣有來氣有敗氣能得明此者可知成敗吉凶舉巫醫卜有所長具藥官之善為舍巫必近公社必敬神之巫卜以請守守獨智巫卜望之氣請而已其出入為流言驚駭怨吏民謹微察之斷罪不赦望氣舍近守官牧賢大夫及有方

技者若工弟之舉屠酤者置厨給事弟之凡守城之法縣師受事出孫備溝防築薦通塗脩城百官共財百工即事司馬視城脩卒伍設守門三人掌右闔二人掌左闔四人掌閉百甲坐之城上步一甲一戟其贊三人五步

有五長十步有什長百步有百長旁有大率中有大將皆有司吏卒長城上當階有司守之移中中處澤急而奏之士皆有職城之外矢之所還壞其牆無以為客菌三十里之內薪蒸水皆入內狗彘豚鷄食其完斂其骸以為醢腹病者以起城之內薪蒸廬室矢之所還皆為之涂菌令命昏緝狗纂馬擊緯靜夜聞鼓聲而謬所以閤客之氣也所以固民之意也故時謬則民不疾矣祝史乃告於望四山川社稷先於戎乃退公素服誓于太廟曰其人為不道不脩義詳唯乃是王曰予必懷亡爾社稷滅爾百姓二麥子尚夜自屢以勤寡人和心比力兼左右各死而守既誓公乃退食舍於中太廟之右祝史舍于社百官具御乃斗鼓于間右置旂左置旌于隅練名射

參發告勝五兵咸備乃下出扶升望我郊乃命鼓俄升後司馬射自門右蓬矢射之茅參發弓弩繼之校自門左先以揮木石繼之祝史宗人告社覆之以飢

旗幟第六十九

守城之法木為蒼旗火為赤旗新樵為黃旗石為白旗水為黑旗食為菌旗死士為倉英之旗竟士為雲旗多卒為雙兔之旗五尺男子為童子女子為梯末之旗弩為狗旗戟為菴旗翎盾為羽旗車為壘旗騎為鳥旗凡所求索旗名不在書者皆以其形名為旗城上舉旗備具之官致財物之足而下旗凡守城之法石有積礫薪有積管茅有積藎葦有積木有積炭有積沙有積松柏有積蓬艾有積麻脂有積金鐵有積粟米有積井窻有慶重質有居五兵各有旗節各有辦法令各有貞輕重分數各有請主慎道路者有經亭尉各為幟竿長二丈五帛長丈五廣半幅者大寇傳攻前池外廡城上當隊鼓三舉一幟到水中周鼓四舉二幟到藩鼓五舉三幟到焉垣

鼓六舉四幟到女垣鼓七舉五幟到六城鼓八舉六幟乘六城半以上鼓無休夜以火如此數寇卻解輒部幟如進數而無鼓城為隆長五十尺四面四門將長四十尺其次三十尺其次二十五尺其次二十尺其次十五尺高無下四十五尺城上吏卒置之皆卒於頭上城下吏卒置之眉在他於左眉中軍置之留各一鼓中軍一三每鼓三十擊之諸有鼓之吏謹以次應之當應鼓而不應不當應而應鼓主者斬道廣三十步於城下夾階者各二其井置鐵鎗於道之外為屏三十步而為之圍高丈為民圍垣高十二尺以上巷街周道者心為之門門二人守之非有信符勿行不從令者斬城中吏卒民男女皆荷其衣章徽令男女可知諸守柱格者三出却適守以令召賜食前于大旗署百戶邑若他人財物建旗其署令皆明白知之曰某子旗柱格內廣二十五步外廣十步表以地形為度斬卒中教解前後左右卒勞者更休之

號令第七十

安國之道道任地始地得其任則功成地不得其任則勞而無功人亦如此備不先具者無以安主吏卒民多心不一者皆在其將長諸行賞罰及有治者必出於功王數使人行勞賜守邊城關塞備蠻夷之勞苦者舉其守率之財用有餘不足地形之當守邊者其器備常多者邊縣邑視其樹木惡則少用田不辟少食無大屋草蓋少用衆多財民好食為內牒內行棧置器備其上城上吏卒養皆為舍道內各當其隔部養什二人為符者曰養吏一人辨護諸門門者及有守禁者皆無令無事者得稽留心其旁不從令者戮敵人但至千丈之城必郭近之主人利不盡千丈者勿迎也視敵之居曲衆少而應之此守城之大體也其不在此中者皆心術與人事參之凡守城者以函傷敵為上其延日持久以待救之至明於守者也不能此乃能守城守城之法敵去邑百里以上城將如令盡召五官及百長以富人重室之親舍之官符謹令信人守衛之謹密為故乃傳城守城將營無下

三百人四面四門之將必選擇之有功勞之臣及死事之後重者從卒各百人門將并守他門他之上必夾為高樓使善射者居焉女郭馮垣一人一人守之使重字子五十步一擊因城中里為八部部一吏吏各從四人以行衛術及里中里中父老小不舉守之事及會計者分里以為四部部一長以苛往來不以時行行而有他異者以得其姦吏從卒四人以上有分者大將必與為信符大將使人行守操信符信不合及號不相應者伯長以上輒止之以聞大將當止不止及從吏卒繼之皆斬諸有罪自死罪上皆還父母妻子同產諸男女有守於城上者什六弩四兵丁女子老少人一矛卒有驚事中軍疾擊鼓者三城上道路里中巷街皆無得行行者斬女子到大軍令行者男子行左女子行右無並行皆就其守不從令者斬離守者三日而一徇而所以備姦也里岳與皆守宿里門吏行其部至里門岳與開門內吏與行父老之守及窮巷間無人之處姦民之所謀為外心罪車

裂帛與父老及吏主部者不得皆斬之除又賞之黃金人二鎰大將使使人行守長夜五循行短夜三循行四面之吏亦皆自行其守如大將之行不從令者斬諸竄火為并火突高出屋四尺慎無敢失火失火者斬其端失火以為事者車裂伍人不得斬得之除救火者無敢譴諱及離守絕巷救火者斬其缶及父老有守此巷中部吏皆得救之吏部函令人謂之大將大將使信人將左右救之部吏失不言者斬諸女子有死罪及坐失火皆無有所失逮其以火為亂事者如法圍城之重禁敵人卒而至嚴令吏民無敢譴譞三最並行相視坐泣流涕若視舉手相探相指相呼相層相踵相投相擊相靡以身及衣訟駁言語及非令也而視敵動移者斬伍人不得斬得之除伍人踰城歸敵伍人不得斬與伯歸敵隊吏斬與吏歸敵隊將斬歸敵者父母妻子同產皆車裂先覺之除當術需敵離地斬伍人不得斬得之除其疾聞却敵於術敵下終不能復上疾聞者隊二人賜上奉而勝圍

城周里以上封城將三十里地為關內侯輔將如今賜上卿丞及吏比於丞者賜爵五大夫官吏豪傑與計堅者守十人及城上吏址五官者皆賜公乘男子有守者爵人二級女子賜錢五千男女老小先分守者人賜錢千復之三歲無有所與不租稅此所以勸吏民堅守勝圍也吏卒侍大門中者曹無過二人勇敢為前行伍坐令各知其左右前後擅離署戮門尉畫三閱之莫敢擊門開一閱守時令人參之上通者名鋪食皆於署不得外食守必謹微察視謁者執盾中涓及婦人侍前者志意顏色使令言語之請及上飲食必令人嘗皆非請也擊而請故守有所不悅謁者執盾中涓及婦人侍前者守曰斷之衝之若縛之不如令及後縛者皆斷必時素誠之諸門下朝夕立若坐各令以年少長相次旦夕就位先估有功有能其餘皆以次立五日官各上喜戲居處不莊好侵侮人者一諸人士外使者來必合有以執將出而還若行縣必使信人先戒舍室乃出迎門守乃入舍為人

下者常司上之隨而行松上不隨下必須隨客卒守主人及以為守衛主人亦守客卒城中戍卒其邑或以下寇謹備之數錄其署同邑者勿令共所守與階門吏為符符合入勞符不合牧守言若上城者衣服他不如令者宿鼓在守大門中莫令騎若使者操節閉城者皆以執篋昏鼓十諸門亭皆閉之行者斷必擊問行故乃行其罪晨見掌文鼓縱行者諸城門吏各入請籥開門已輒復上籥有符節不用此令寇至樓鼓五有周鼓雜小鼓乃應之小鼓五後從軍斷命必足畏賞必足利令必行令出輒人隨省其可行不行號夕有號失號斷為守備程而署之曰某程置署街街衢階若門令往來者皆視而放諸吏卒民有謀殺傷其將長者與謀反同罪有能捕告賜黃金二十斤謹罪非其分職而擅之取若非其所當治而擅治為之斷諸吏卒民非其部界而擅入他部界輒牧以屬都司空若候候以聞守不收而擅縱之斷能捕得謀反賣城踰城敵者一人以令為除死罪二

人城旦四人反城事父母去者去者之父母
 妻子悉舉民室材木凡若蘭石數署長短小
 大當舉不舉有罪諸卒民居城上者各保
 其左右左右有罪而不智也其次伍有罪若
 能身捕罪人若告之吏皆構之若非伍而
 先知他伍之罪皆倍其構賞城外令任城
 內守任令丞尉亡得入當滿十人以上令丞
 尉奪爵各二級百人以上令丞尉免以卒戍
 諸取當者必取寇虜乃聽之募民欲財物業
 米以貿易凡器者卒以賈予邑人知識昆弟
 有罪雖不在縣中而欲為贖若以粟米錢金
 布帛他財物免出者令許之傳言者十步一
 人稽留言及乏傳者斷諸可以便事者函以
 疏傳言守吏卒民欲言事者函為傳言請之
 吏稽留不言諸者斷縣各上其縣中豪傑若
 謀士居大夫重厚口數多少官府城下吏卒
 民皆前後左右相傳保火火發自燔燔蔓延
 燔人斷諸以衆疆凌弱少及疆奸人婦女以
 讒譁者皆斷諸城門若亭謹候視往來行者
 符符傳疑若無符皆詣縣延言請問其所使

其有符傳者善舍官府其有知識兄弟欲見
 之為召勿令里巷中三老守閭令屬繕夫為
 答若他以事者微者不得入里中三老不得
 入家人傳令里中有以羽利在三所差家人
 各令其官中失令若稽留令者斷家有守者
 治食吏卒民無符節而擅入里巷官府吏三
 老守閭者失苛心皆斷諸盜守器械財物及
 相盜者直一錢以上皆斷吏卒民各自大書
 於傑著之其署同守案其署擅入者斷城上
 曰壹發幣辱令相錯發有匿不言人所挾藏
 在禁中者斷吏卒民死者輒召其人與次司
 空葬之勿令得坐泣傷甚者令歸治病家喜
 養予醫給藥賜酒日二升肉二斤令吏數行
 間視病有瘳輒造事上詐為自賊傷以辟事
 者族之事已守使吏身行死傷家臨戶而悲
 哀之冠去事已塞禱守以令益邑中豪傑力
 闢諸有功者必身行死傷者家以帛哀之身
 見死事之後城圍罷主函發使者往勞舉有
 功及死傷者數使爵祿守身尊寵明白貴之
 令其怨結於敵城上卒若吏各保其左右若

欲以城為外謀者父母妻子同產皆斷左右
 知不捕告皆與同罪城下理中家人皆相保
 若城上之數有能捕告之者封之以千家之
 邑若非其左右乃他伍捕告者封之二千家
 之邑城禁使卒民不欲寇微職和旌者斷不
 從令者斷非擅出令者斷失令者斷衙戟縣
 不城上下不與衆等者斷無應而妄譟呼者
 斷總夫者斷警客內毀者斷離署而聚語者
 斷聞城鼓聲而伍後上署者斷入自大書版
 著之其署鄙守必自謀其先後非其署而妄
 入之者斷離署左右共入他署左右不捕挾
 私書行請謁及為行書者釋守事而治私家
 事卒民相盜家室嬰兒皆斷無赦人舉而藉
 之無符節而橫行軍中者斷客在城下因數
 易其署而無易其香舉敵少以為衆亂以為
 治敵攻拙以為巧者斷容主人無得相與言
 及相藉容射以書無得譽外示內以喜無得
 應不從令者皆斷禁無得舉矢書若以書射
 寇犯令者父母妻子皆斷身棄城上有能捕
 告之者賞之黃金二十斤非時而行者唯守

1 (02) 4 0 13-6

及據太守之節而使者守人臨城必謹問父老吏大夫請有怨仇離不相解者召其人明白為之解之守必自異其入而藉之狐之有以私怨害城者吏事者父母妻子皆斷其以城為外謀者三族有能得者捕告者以其所守邑小大封之守選授其印尊寵官之令吏大夫及卒民皆明知之豪傑之外多交諸侯者常請之令上通知之善屬之所居之吏上數選具之令無得擅出入連質之術鄉長者父老豪傑之親戚父母妻子必尊寵之老貧人食不能自給食者上食之及勇士父母親戚妻子皆時酒肉必敬之舍之必近太守守樓臨質宮而善周密塗樓令下無見上上見下下無知上有人無人守之所親舉吏貞廉忠信無害可任事者其飲食酒肉勿禁

非令衛司馬門望氣者舍必近太守丞舍必近公社必敬神之巫祝史與望氣者必以善言告民以請報守上守獨知其請而已無與望氣妄為不善言驚恐民斷勿赦度食不足食民各自占家五種石升數為期其在尊害吏與雜皆期蓋匿不占占悉令吏卒款得皆斷有能捕告賜什三牧粟米布錢金出內畜產皆為平直其賈與主人券書之事已皆各以其賈倍償之又用其賈賤多少賜爵欲為吏者許之其不欲為吏而欲以受賜賞爵祿者贖士親戚所知罪人者以令許之其受構賞者令保官見以與其親欲以復佐上者皆倍其爵賞其縣其里其子家食口二人積粟六百石其里其子家食口十人積粟百石出粟米有期日過期不出者王公有之有能得者告之賞之什三慎無令民知吾粟米多少守入城先以候為始得輒官養之勿令知吾守衛之備候者為異官父母妻子皆同其官賜衣食酒肉信吏善待之候來若復就間守官三難外環隅為之樓內環為樓樓

入葆官丈五尺為復道葆不得有室三日一發席蓐略視之布茅官中厚三尺以上發候必使鄉邑忠信善重士有親戚妻子厚奉資之必重發候為養其親若妻子為異舍無與負同所給食之酒肉遣他候奉資之如前候反相參審信厚賜之候三發三信重賜之不欲受賜而欲為吏者許之二百石之吏守珮投之印其不欲為吏而欲受構賞者皆如前有能入深至主國者問之審信賞之倍他候其不欲受賞而欲為利者許之三石之候扞士受賞賜者守必身自致之其親之其所見其見守之任其欲復以佐上者其構賞爵祿罪人倍之士候無過十里居高使所樹表表三人守之北至城者三表與城上烽燧相望晝則舉烽夜則舉火聞寇所從來審知寇形必攻論小城不自守通者盡葆其老弱粟米畜產遣卒候者無過五十人客至燧去之慎無厭建候者曾無過三百人日暮出之為微職空隊要塞之人所往來者令可迹者無下里三人平而迹各立其表城上

應之候出越陳表遮坐郭門之外內立其表
 令卒之少居門內令其少多無知可也節有
 驚見寇越陳表城上以麾指之迹坐擊岳期
 以戰備從麾所指望舉一垂入竟舉二垂狎
 郭舉三垂入舉四垂狎城舉五垂夜以火皆
 如此去郭百步墻垣樹木小大盡伐除之外
 空并盡室之無可得汲也外空室盡發之木
 盡伐之諸可以攻城者盡內城中令其人各
 有以記之事以各其記取之事為之券書其
 枚數當逐枚木不能盡內既燒之無令容得
 而用之人自大書版著之其署忠有司出其
 所治則從淫之法其罪射務色謾淫淫露不
 靜當路尼乘舍事後就踰時不寧其罪射謹
 蓄賊乘其罪殺非上不誅次主凶言其罪殺
 無敢有樂器弊驕軍中有則其罪射非有司
 之令無敢有車馳人趨有則其罪射無敢散
 牛馬軍中有則其罪射飲食不時其罪射無
 敢歌哭於軍中有則其罪射令各執罰盡殺
 有司見有罪而不誅同罰若或逃之亦殺凡
 將率關其來失法殺凡有司不使去卒吏民

聞警令伐之服罪凡戮人於市死上目行謁
 者待令門外為二曹夾門坐鋪食更無空門
 下謁者一長守數令人中視其亡者以督門
 尉與其官長及亡者入中報四人夾令門內
 坐二人夾散門外坐容見持兵立前鋪食更
 上侍者名守室下高樓候者望見乘車若騎
 卒道外來者及城中非常者輒言之守守以
 順城上候城門及邑吏來告其事者以驗之
 樓下人受候者言以報守中消二人夾散門
 內坐門常閉鋪食更中消一長者環守宮之
 街衢置屯道各垣其兩旁高文為埤院立初
 難足置夾挾視操食而札書得必謹業視參
 食者節不誅正請之屯陳垣外街衢街皆樓
 高臨里中樓一鼓警罷即有物故鼓吏至而
 正夜以火指鼓所城下五十步一廁廁與上
 同園請有罪過而可無斷者令杼廁利之
 雜守第七十一

子問羊鈴守耶羊鈴者攻之拙者也足以勞
 卒不足以害城羊鈴之政遠攻則遠害近城
 則近害不至城矢石無休左右趣射蘭為柱
 後望以固屬吾銳卒慎無使顧守者重下攻
 者輕云養勇高奮民心百倍多執數少乃不
 殆作士不休不能禁禦遠屬之城以禦雲梯
 之法應之凡待煙衝雲梯臨之法必廣城以
 禦之曰不足則以木棹之左百步右百步繫
 下失石沙炭以雨之新火水湯以濟之選屬
 銳卒慎無使顧賞審行罰以靜為故從之以
 急無使主慮患慮高憤民心百倍多執數實
 卒不乃急衝臨梯皆以衝衝之渠長丈五尺
 其理者三尺矢長丈二尺渠廣丈六尺其弟
 丈二尺渠之垂者四尺樹渠無傳葉五寸梯
 渠十丈一梯渠答大數里二百五十八渠答
 百二十九諸外道可要塞以難寇其甚者
 為築三亭亭三隅織女之令能相救諸詎阜
 山林濶濱丘陵阡陌郭門若閭衛可要塞及
 為機職可以逆知往來者少多及所伏藏之
 處操民先舉城中官府民宅室署小大調處

(02) A B C

葆者或欲從兄弟知者許之外宅粟米畜產財物諸可以佐城者送入城中事即急則使積門內候無過五十寇至隨葉去唯奔遠民獻粟米布帛金錢牛馬畜產皆為置平賈與主券書之使人各得其所長天下事當鈞其分職天下事得皆其所喜天下事備強弱者數天下事具矣葉卸亭者圍之高三丈以上令侍殺為辟梯梯兩臂長三尺連門三尺報以繩連之槩再雜為懸梁擊電亭一鼓寇蜂驚蜂亂傳火以次應之至主國正其事急者引而上下之烽火以舉報五鼓傳又以又屬之言寇所從來者少多旦奔還去來屬次烽火罷望見寇舉一烽入境舉二烽射妻舉三烽一藍郭會舉四烽二藍城會舉五烽五藍夜以火如此數守烽者事急日暮出之令皆為微職距阜山林皆令可以述平明而迹無迹各立其表下城之應候出置田表斥坐郭內外立旗幟半半在內令多少無可知即有驚舉孔表見寇舉表城上以麾指之斥步鼓整旗旗以備戰從慶所指田者男子以

戰備從斥女子函走入即見放到傳到城正守表者三人更立揮表而望守數令騎若吏行旁視有以知為所為其曹一鼓望見寇鼓傳到城止升食終歲三十六石參食終歲二十四石四食終歲十八石五食終歲十四石升六食終歲十二石升食食五升參食食叁升四食食二升半五食食二升六食食一升大半日再食救死之時日二升者二十日日三升者三十日日四升者四十日如是而民免於九十日之約矣寇近函收諸雜鄉金器若銅鐵及他可以左守事者先舉縣官室居官府不急者材之大小長短及凡數即急先發寇薄發屋伐木雖有請謁勿聽入柴勿積魚鱗替當隊令易取也材木不能盡入者燔之無令寇得用之積木各以長短小大惡美形相從城四面外各積其內諸木大者皆以為關鼻乃積聚之城守司馬以上父母昆弟妻子有質在主所乃可以堅守署都司空大城四人候二人縣候面一亭尉次司空亭一人吏侍守所者財足廉信父母昆弟妻子有

在葆宮中者乃得為侍吏諸吏必有質乃得任事守大門者二人夾門而立令行者趨其外各四戟夾門立而其人坐其下吏曰五閱之上道者名池水康有要有害必為疑人令往來行夜者射之謀其疏者墻外水中為竹箭箭尺廣二步剪於下水五寸雜長短前外康三行外外鄉內亦內鄉三十步一弩虛虛廣十尺葉丈二尺隊有急極急發其近者往佐其次襲其處守節出入使主節必疏書署其情令若其事而須其還報以劍驗之節出使所出門者輒言節出時據者名百步一隊閣通守舍相錯穿室治復道為葉墻壙善其上先行德計謀合乃入葆葆入守無行城無離舍諸守者審知平城淺池而錯守焉晨暮卒歌以為度用人少易守取疏令民家有三年畜蔬食以備旱歲不為常令邊縣豫種畜荒芸馬粟稗葉外宅墻井可實塞不可置此其中安則示以危危示以安寇至諸門戶令皆鑿而類竅之各為二類一鑿而屬繩繩長四尺大如指寇至先殺牛羊雞狗鳥鴈牧

其支革筋角脂筋羽莖皆剝之吏樺桐自為鐵錐厚簡為衡枉事急卒不可速令掘外宅林謀多少若治城元本為擊三隅之重五斤已上諸林木渥水中無過一茂塗茅屋若積薪者厚五寸已上吏各舉其步界中財物可以左守備者上有護人有利人有惡人有善人有長人有謀士有勇士有巧士有使士有內人者外人者有善人者有善門人者守必察其所以然者應名乃內之民相惡苦議吏吏所解皆禮書藏之以須告之至以參驗之

睨者小五尺不可卒者為署吏令給事官府若舍閣石厲矢諸林器用皆謹部各有積分數為解車以柏城矣以輅車輪軸廣十尺棘長丈為三幅廣六尺為板箱長與轆等四高尺善蓋上治中令可載矢子墨子曰凡不守者有五城大人少一不守者城小人衆二不守也人衆食寡三不守也市去城遠四不守也商積在外富人在虛五不守也率萬家而城方三里

墨子卷之十五

韓子序

匪一

韓非者韓之諸公子也喜刑名法術之學而歸其本於黃老其為人吃口不能道說善著書與李斯俱事荀卿李斯自以為不如非見韓之削弱數以書干韓王韓王不能用於是韓非病治國不務求人任賢及舉浮淫之蠹而加之功實之上以為儒者用文亂法而俠者以武犯禁寬則寵名譽之人急則用介冑之士所用非所養所養非所用廉直不容於邪枉臣觀往者得失之變故作孤憤五蠹內外儲說難五十五篇十餘萬言人或傳其書至秦秦王見孤憤五蠹之書曰嗟乎寡人得見此人與遊死不恨矣李斯曰此韓非之所著書秦因急攻韓韓始不用及急乃遣韓非使秦秦王悅之未任用李斯害之秦王曰非韓之諸公子也今欲弄諸侯非終為韓不為秦此人情也今王不用久留而歸之此自遺患也不如過法誅之秦王以為然下吏治非李斯使人遺藥令早自殺韓非欲自陳不得見秦王後悔使人赦之非已死矣

韓非子卷之一

初見秦第一

臣聞不知而言不智知而不言不忠為人臣不忠當死言而不當亦當死雖然臣願悉言所聞唯大王裁其罪臣聞天下陰燕陽魏北燕故曰陰魏連荆國齊收韓而成從將西面以與秦強為難臣竊笑之世有三亡而天下得之知三亡者其一此之謂乎臣聞之曰以亂攻治者亡以邪攻正者亡今天下之府庫不盈困倉空虛悉其士民張軍數十百萬其頓首戴羽為將軍斷死於前不至千人皆以言死白刃在前斧鑕在後而却走不能死也非其士民不能死也上不能故也言賞則不與言罰則不行賞罰不信故士民不死也今秦出號令而行賞罰有功無功相事也出其父母懷社之中生未嘗見寇耳聞戰頓足徒揚犯白刃蹈鐵炭斷死於前者皆是也夫斷死與斷生也然而民為之者是貴奮死也夫一人奮死可以對十十可以對百百可以對千千可以對萬萬可以對天下矣今秦地折長